

**Sambŭt Pôl Njuăł Ăn Ma Phung  
Nsing Ta Bon  
Kôřintô Rôh 2  
Nau bôk ăn bu gŭt lor**

Nơm nchih sambŭt dja rnha Pôl, păng nchih sambŭt dja klăp lah ta năm 57 kot sambŭt Kôřintô Rôh 1 đống. Păng gŭ ta bri Masêđôn nôk păng nchih sambŭt dja.

Ma sambŭt a êng i Pôl nchih dăn uănh ta sambŭt Rôm ta nau bôk ‘Sambŭt Pôl’.

Sambŭt dja klăp lah sambŭt tồl puăn i Pôl nchih njuăł ăn ma phung nsing ta bon Kôřintô, yon ma ăbơ dja geh bar ở sambŭt Kôřintô Rôh 1 ndrel ma sambŭt Kôřintô Rôh 2 đợm. Ẽ lor ma Pôl nchih sambŭt Kôřintô Rôh 1 păng lẽ geh nchih sambŭt a êng njuăł ăn ma phung nsing ta bon Kôřintô này (1Kô 5:9), sambŭt i này mâu hôm geh, lẽ roh. Lẽ lôch Pôl nchih sambŭt Kôřintô Rôh 1 bơh bon Êphêsô, păng mâu ôh geh nau đăp mpăn ta nuih n'hâm, jêh ri păng đă nô Titus hăn khồl khân păng ndjôt sambŭt nguai jât (2Kô 2:3-4; 7:8-16), Pôl hôm kỏp Titus plớ sât ta bon Êphêsô, mâu ôh say păng, ndri Pôl hăn ta bon Trôas uănh păng ta này mâu đống say, jêh ri păng hăn jât năp jât tât ta bri Masêđôn, mạp nô Titus ta ri. Titus mboh nkoch bunuyh nsing ta bon Kôřintô jan tâng nau Pôl nchih ta sambŭt rôh 1 này, yon ma hôm geh bunuyh ăbă mŭch ma Pôl.

### *Nau ếch ntrống ta sambüt dja*

Pôl nchih sambüt dja gay ma nhhơ păng nơm jêng kôranh oh mon ngăn, gay ma đã phung nsing ta ðon Kôrintô này jan jêh nau rgum prăk ma kôl bunuyh o ach ta ðon Yêrusalem. Păng nchih ðong gay ma ăn phung i mưch păng hôm geh mong ma rgâl nuih n'hâm, ê lor ma păng nơm hăn khôl ta ðon Kôrintô này.

Dăn uãnh ðong ta nau bôk ăn bu gít ta sambüt Kôrintô Rôh 1.

### **Mbơh nau khlay ta sambüt dja**

- Nau ôp ueh lăng (1:1-11)
- Nau jan kar Pôl (1:12-6:13)
- Nau đã, ndâp ma nau n'hao nuih n'hâm ăn ma phung nsing ta ðon Kôrintô (6:14-9:15)
- Nau ôh Pôl ăn ma phung i tâm rlăch ðah păng, ndâp ma nau păng jêng kôranh oh mon (10:1-13:10)
- Nau nững n'glẽ dũt (13:11-14)

### *Nau ôp ueh lăng*

<sup>1</sup> Sambüt gáp Pôl, gáp i kôranh oh mon Brah Krist Yêsu tả bơh nau ếch Kôranh Brah nơm. Gáp, ndrel ma Timôthê i oh nô bản ta nau nsing dăn ôp nau ueh lăng phung i nsing ma Kôranh Brah ta ðon Kôrintô, ndrel ma dăn ôp nau ueh lăng dăng lể phung ðon lan Kôranh Brah i gũ lam bri Akhây.\* <sup>2</sup> Dăn Kôranh Brah Bở bản, ndrel ma Kôranh Yêsu Krist, ăn nau ueh, ăn nau ðăp mpăn ma khân ay may.

---

\* **1:1** 1:1: Kar 9:15; 16:1-3

*Nau n'hao nuih ta bon Kôrintô*

<sup>3</sup> An rnê ma Kôranh Brah i Bở Brah Yêsu Krist Kôranh bân. Păng jêng Bở bân i geh nau yô ndach dứt kuông, Păng jêng tom dâng lể nau kơl rthi nuih n'hâm ăp ntil.\* <sup>4</sup> Păng kơl rthi nuih n'hâm bân nôk bân rêh rnhăl ăp ntil, gay ma bân blao kơl rthi nuih n'hâm bunuyh i geh nau rêh rnhăl, kơt Kôranh Brah lể kơl rthi ma bân.\*

<sup>5</sup> Dah ők bân lể geh jêh nau jêr jốt êng êng yor ma bân gũ ndrel Brah Krist, lơ ma hô jât bân sỏ đon nau rthi ta nuih n'hâm yor ma Brah Krist đống.\* <sup>6</sup> Lah hên geh rêh rnhăl, ndơ i nây gay ma ăn khân ay may geh rthi nuih n'hâm, ndrel ma geh nau rklaih. Lah Kôranh Brah rthi nuih n'hâm hên, hên blao rthi nuih n'hâm khân ay may, jêh ri khân ay may dơi nsrôyh ma nau jêr jốt êng êng i tâm ban ma nau jêr jốt hên đống.\*

<sup>7</sup> Jêh ri nôk hên gũ mân khân ay may, hên geh nau rơm dứt nập ngãn, yor ma hên lể gĩt n'hêl tât khân ay may geh nau jêr jốt kơt hên, khân ay may mra geh nau rthi nuih n'hâm kơt hên đống.

<sup>8</sup> Ở oh nô ta nau nsing, hên ữch khân ay may gĩt nau jêr jốt i hên lể geh jêh ta bri Asi nơh. Ta nây hên geh nau jêr jốt dứt hô ngãn, bời ma khât, hên mâu hôm ôh rơm ma rêh jât.\* <sup>9</sup> Hên mân lah hên mra khât ngãn ro\*. Yơn ma ndơ i nây gay ma lơi ôh ăn hên nsing ma sắk hên nơm, ăn hên nsing ma Kôranh Brah i jan bunuyh khât ăn dâk

---

\* **1:3** 1:3: Eph 1:3 \* **1:4** 1:4: 2Kô 7:6 \* **1:5** 1:5: 2Kô 4:9-11, 17; 2Ti 3:12 \* **1:6** 1:6: 2Kô 4:15 \* **1:8** 1:8: 1Kô 15:32 \* **1:9** 1:9: 'Hên mra khât ngãn ro', mâu lah 'Bu tể dôi hên tât khât sắk'.

rêh hõ. <sup>10</sup> Jêh ri Păng rklaih hên bõh nau khât bõh nau roh hêng, jêh ri jât nấp tay Păng hôm rklaih đõng. Ngấn ro, hên rơm Păng hôm rklaih tay hên đõng.\* <sup>11</sup> Dấn khân ay may hôm kớh hên ta nau mboh sòm ma hên đõng. Ốk bunuyh mra lah ueh Kôranh Brah, yorlah Păng ớh nau mboh sòm ốk ma hên kớh này.

### *Ndơ Pôl ndrăp*

<sup>12</sup> Ta nuih n'hâm hên nơm lể gít n'hêl, nau gũ ngao hên ta neh ntu dja hên gũ rấp jấp ma lể nuih n'hâm, ngời nau ngấn dơ, hên jan kớh này ta nấp dăng lể bunuyh, lơ ma hô jan ta nấp khân ay may. Ta nau i này, hên mâu ôh đõng nau mân gít blaô bunuyh, yơn ma gũ ngao tâng ma nau Kôranh Brah nơm ứch, tã bõh nau Păng kớh ma nau ueh Păng nơm. Gập rằm maak ngấn ma nau i này.\* <sup>13</sup> Ta sambũt hên lể njuãl ăn khân ay may nớh, hên mâu ôh nchih nau ngời hờ, hên nchih nau ngời ngấn, nau ngời n'hêl, nau ngời i khân ay may dờ gít vât này dơ. Jêh ri gập rơm lah khân ay may mra gít vât dadê dăng lể nau khlay hên lể nchih nớh, <sup>14</sup> bol lah abơ dja khân ay may gít vât abã dơ. Lah khân ay may gít vât dadê, khân ay may mra rằm maak ma hên ta nar Kôranh Yêsu plở vách ta dja tay, kớh hên mra rằm maak ma khân ay may đõng.\*

<sup>15-16</sup> Yor ma nau gập rơm nấp kớh này, dăng a lor nớh gập ứch veh khõl khân ay may bốt, ê lor ma hấn jât bri Masêđôn, jêh ri plở veh tay

\* **1:10** 1:10-11: Kôl 4:3-4

\* **1:12** 1:12: 2Kô 2:17; 1Kô 4:4

\* **1:14** 1:14: 2Kô 5:12; 1Kô 15:31

ta khân ay may du tở jât nôk plở sât bớh bri Masêđôn, gay ma geh nau khlay ma khân ay may bar tở. Jêh ri gay ma khân ay may kớl gáp hãn ta bri Yuda đống.\* <sup>17</sup> Lah ndrî nau i gáp lể ndrăp jan kớt nây, ớm gáp geh nau mân plăch năp plăch kới bớh? Mâu lah nau i gáp lể ndrăp ndr, ớm gáp ndrăp tâm ban ma bunuyh i mâu nsing ma Brah Krist, i du tở ngời nđă, du tở ngời nto kớt nây bớh?\*

<sup>18</sup> Bân lể gít n'hêl Kôranh Brah răp jăp ngăn, kớt ndrî đống nau i hên mbớh nkoch ma khân ay may mâu geh ôh du tở ngời nđă, du tở ngời nto, <sup>19</sup> yorlah Brah Yêsu Krist i kon Kôranh Brah i pe nuyh hên mbớh nkoch ăn ma khân ay may nây nớh, geh gáp, geh Silas†, ndăp ma Timôthê, hên mbớh nkoch Păng răp jăp năng, Păng mâu geh ôh ngời dah ma rplăch năp rplăch kới, Păng ngời du tong gít lah du tong ro. <sup>20</sup> Dăng lể nau Kôranh Brah ton lể geh ngăn ta Brah Krist dadê. Kớt ndrî dăng bân lah 'Nau i nây di ngăn‡', ndrêl ma rnê nau chrêk lợp Kôranh Brah, yor ma ndr Brah Krist lể jan ma bân.\*

<sup>21</sup> Kôranh Brah nớm ăn hên, ndrêl ma ăn khân ay may geh nau nsing năp ta Brah Krist, ndăp ma kớih bân ăn jêng ãn lan Păng nớm. <sup>22</sup> Lể Păng ăn jêh Brah Huêng Ueh gũ ta nuih n'hâm bân, jêng tâm ban ma tể ndr pla krêp ta bân,

\* **1:15-16** 1:15-16: 1Kô 16:5-7 \* **1:17** 1:17: Yak 4:13-15; 5:12

† **1:19** 1:19: Ta nau ngời Grek geh rnha păng lah: 'Silvanus', jêng rnha bar ở, păng bunuyh hãn ndrêl Pôl ồk ngăn (Kar 15:40).

‡ **1:20** 1:20: 'Nau i nây di ngăn', mâu lah 'Amen'. \* **1:20** 1:20: Luk 24:44-46; Kar 17:3; 18:5; NTM 3:14

gay ma bân gít n'hêl Păng mra ăn dâng lể ndr Păng lể ton ma bân jât nấp tay.\* <sup>23</sup> Geh Kôranh Brah nơm năk tơm say, gáp mầu hoch hăn ôh a ðon Kôrintô, yorlah gáp yô khân ay may, mầu ếch lah dăng khân ay may.\* <sup>24</sup> Hên mầu ếch jêng kôranh khân ay may, ăn khân ay may iătt nau hên đă dơm, yorlah khân ay may geh nau nsing nấp ngăn, hên ếch jan kar ndrel bắl, gay ma ăn khân ay may geh nuih n'hâm rắm maak.\*

## 2

<sup>1</sup> Ndri dâng gáp lể ếch jêh ta nuih n'hâm gáp nơm, gáp mầu ếch ôh hăn a khân ay may, ăn khân ay may geh nuih n'hâm rngot tay du tở jât yor ma mập gáp.\* <sup>2</sup> Lah gáp lể jan ăn khân ay may geh nau rngot, lah ndri khân ay may i lể gáp jan ăn rngot jêh, mầu hôm ôh blao jan ăn gáp rắm maak. <sup>3</sup> Sambút i gáp nchih njuăl ăn ma khân ay may a lor nớh, gáp nchih gay ma nôk gáp hăn tăt ta khân ay may nây, gáp mầu ôh geh nuih n'hâm rngot, gáp geh nuih n'hâm rắm maak, yorlah say khân ay may iătt nau gáp. Jêh ri gáp lể gít jêh, lah gáp rắm maak, khân ay may rắm maak ndrel gáp đổng.\* <sup>4</sup> Gáp nchih sambút i nây njuăl a khân ay may, ndáp ma geh nuih n'hâm rngot rvé hô ngăn, ndáp ma geh nau nhũm hoch dak mắt, yơn ma gáp mầu ếch ôh ăn nuih n'hâm khân ay may rngot, ếch nhơ ăn

\* **1:22** 1:22: 2Kô 5:5; Rôm 8:11, 23; Eph 1:13-14 \* **1:23** 1:23:

2Kô 13:2; 1Kô 16:5-7 \* **1:24** 1:24: 2Kô 4:5; 1Pê 5:3 \* **2:1** 2:1:

2Kô 12:21 \* **2:3** 2:3: 2Kô 13:10; Phi 2:17-18

khân ay may gĩt gáp rông ma khân ay may dứt hô ngãn.\*

### *Nau yố nau tih bu*

<sup>5</sup> Lah du huê ta mpôl khân ay may ăñ gáp geh nuh n'hâm rngot, păng ăñ dăng lể khân ay may geh nuh n'hâm rngot, bol lah mâu hô păng hôm ăñ nuh n'hâm khân ay may rngot ăbă. <sup>6</sup> Lể ôk jêh bunuyh ta phung khân ay may tể dôih ma păng i nây, lah ndri lể gáp jêh. <sup>7</sup> ăBao' dja ăñ khân ay may yố nau tih păng, ndrel ma n'hao nuh n'hâm păng dô, klach lah păng geh nau rngot dứt hô, n'ho ma mâu hôm geh nau ndrôm.\* <sup>8</sup> Ndri dăng gáp đă khân ay may, gay ma ăñ păng gĩt lah khân ay may rông ma păng. <sup>9</sup> Gáp nchih sambũt i nây, gay ma rlong nuh n'hâm khân ay may, ũch gĩt ah khân ay may jan kốt dăng lể nau gáp đă mâu lah mâu.\* <sup>10</sup> Lah khân ay may yố nau tih ma du huê bunuyh i jan tih, gáp kố yố păng đống. Nôk bu jan tih ma gáp, gáp lể jêh yố păng ma nau tih i nây ta năp măt Brah Krist, gay ma geh khlay ma khân ay may. <sup>11</sup> Lơi ôh ăñ Satăng i kôranh mpôl brah djơh dơi đah bân ta nau păng ndrôm. Jêh ri bân lể gĩt jêh nau păng ũch ndrăp nâng.\*

### *Pôl geh nau rvê ma Titus*

<sup>12</sup> Nôk gáp tăt ta ðon Trôas, gay ma mboh nkoch nau mhe mhan ueh Brah Krist, bol lah ta

---

\* 2:4 2:4: 1Kô 4:21 \* 2:7 2:7: Kôl 3:13 \* 2:9 2:9: 2Kô 7:12,  
15 \* 2:11 2:11: 1Tê 2:18; 1Pê 5:8

bon i này lẽ Kôranh Brah pòk mpông ma gáp kađôi,\* <sup>13</sup> tih ma ta nuih n'hâm gáp mầu ôh geh nau đăp mpăn, yorlah joi oh Titus mầu say. Nđri dăng gáp ntĩnh khân păng ta bon Trôas này, jêh ri gáp hăn jât năp jât bri Masêđôn dja, gay ma joi păng ta dja.\*

*Bunuyh jan kar Kôranh Brah ta nau tâm rnglăp mhe*

<sup>14</sup> Lah ueh ma Kôranh Brah i geh nau đơi ma dăng lẽ ntil đơ. Tă bơh đơ Brah Krist lẽ jêh jan, kot đđri dăng Păng leo hên m bơh nkoch ta ăp ntũk, gay ma bu gít say nau đơi Păng, nau m bơh nkoch i này jêng tâm ban ma n'hôl bô kah ta lam ntũk i hên hăn. <sup>15</sup> Ta Kôranh Brah hên jêng tâm ban ma đơ bô kah Brah Krist nơm i ăn ma dăng lẽ bunuyh, ăn ma bu moh i dôi geh rklaih, đđrel ma ăn ma bu moh i mầu ôh geh rklaih dôi hăn ta nau roh hêng đđng.\* <sup>16</sup> Ma phung i roh hêng, hên jêng tâm ban ma đơ bô ma nau khăt, yorlah khân păng mra sđ đơn nau tể dôi. Ma phung i geh rklaih, hên jêng tâm ban ma đơ bô ma nau rêh, yorlah khân păng mra sđ đơn nau rêh n'ho ro. Lah đđri bu moh i blao ma nau jan kar i này? Mầu geh ôh du huê bunuyh blao jan tă bơh săk păng nơm. <sup>17</sup> Geh ôk bunuyh hăn m bơh nkoch nau Kôranh Brah gay ma geh prăk ma khân păng nơm đơ, yơn ma hên mầu ôh jan kot này, hên m bơh nkoch nau Kôranh Brah ma nuih n'hâm kloh, đđp ma nuih n'hâm răp jăp,

\* **2:12** 2:12: Kar 16:8 \* **2:13** 2:13: Tit 1:4 \* **2:15** 2:15: Rôm 10:16; 1Kô 1:18

hên mboh nkoch nau i nây ta năp măt Kôranh  
Brah tă boh Kôranh Brah nôm đă, jêng bunuyh  
i gũ tâm rnglăp đah Brah Krist.\*

### 3

<sup>1</sup> Hên rnê êng tay săk hên nôm du tở jăt boh?  
Mâu ôh, geh bunuyh abă ndjôt sambăt boh bu  
êng gay ma khân ay may rom, mâu lah ôp khân  
ay may nchih sambăt kôt nây ăn ma khân păng,  
ndjôt hăn ntũk bon êng gay ma bu rom ta bon  
nây. Ôm hên iăt ma geh sambăt kôt nây đong  
bah?\*

<sup>2</sup> Hên mâu khăch ôh ndjôt sambăt kôt  
nây, yor ma nau khân ay may lě rgăl nau gũ ngao,  
ndri khân ay may jêng tâm ban ma sambăt kôt  
nây ma hên, jêng tâm ban ma sambăt i nchih ta  
nuih n'hâm hên, jêh ri dăng lě bunuyh i gĩt năl  
khân ay may lě gĩt đong ma nau jan kar hên lě  
ueh.

<sup>3</sup> Hên jan kar ăn ma khân ay may nơh, ndri  
dăng khân ay may nây jêng tâm ban ma du mlôm  
sambăt i bu say lě gĩt lah, kar hên jan nây tă boh  
Brah Krist nôm ngăn. Sambăt i nây mâu ôh geh  
nchih ma dak krăk, jêng nchih ma Brah Huêng  
Ueh Kôranh Brah nôm, Kôranh Brah i rêh ngăn,  
mâu ôh di sambăt i nchih ta rlat lữ tâm ban ma  
nau vay Môsê kăl e nơh, jêng sambăt i nchih ta  
nuih n'hâm bunuyh.\*

<sup>4</sup> Hên ndjôt năp khân ay may jêng tâm ban ma  
sambăt ueh kôt nây, tă boh nau nsing hên ta  
Kôranh Brah, yor ma ndr Brah Krist lě jan nơh.

---

\* **2:17** 2:17: 2Kô 1:12; 4:2; Gal 1:10; 1Ti 6:5      \* **3:1** 3:1-2: Kar  
9:2; 2Kô 10:12, 18      \* **3:3** 3:3: NNg 24:12; Yêr 31:33

<sup>5</sup> Hên mâu ôh kọp êng hên nơm bunuyh blao tă bớh sắk hên nơm, yờn ma moh ndr hên blao jan jêng tă bớh Kôranh Brah.\* <sup>6</sup> Pắng ăn hên blao mớh nkoch ma nau tâm rnglắp mhe. Nau tâm rnglắp mhe i nây mâu ôh di nchih ma rplây rso, yờn ma jêng tâm ban ma nchih ma Brah Huêng Ueh. Nau vay Môsê i nchih ma rplây rso nây leo ăn Kôranh Brah tể dôih jêng khắk n'ho ro\*, yờn ma bớh Brah Huêng Ueh ăn geh nau rêh n'ho ro.\*

<sup>7</sup> Kôranh Brah nchih nau vay ta rlat lữ ăn ma Môsê kắl e nớh, ta nây geh ndắp ma nau chrêk lọp Kôranh Brah nơm dắt hô ngắn, n'ho ma phung Israel mâu ôh hôm đơi uắnh muh mắt Môsê, yorlah ral ngắn, yờn ma nau chrêk lọp ral i nây ta muh mắt Môsê mâu ôh jỏ jong, lơ ma roh để roh để. Lah nau vay i leo ăn khắk n'ho ro, lể dah nây ngắn geh nau chrêk lọp,\* <sup>8</sup> lah ndr nau jan kar Brah Huêng Ueh i leo ăn geh nau rêh n'ho ro, bớn lơ hô rlau ma nây jắt ắh geh nau chrêk lọp? <sup>9</sup> Lah nau vay Môsê i jan ăn bunuyh geh dôih lể dah nây jêh geh nau chrêk lọp, lah ndr nau Brah Huêng Ueh jan ăn bunuyh jêng sớng ta nắp mắt Kôranh Brah, bớn lơ hô rlau ma i nây jắt geh nau chrêk lọp!\* <sup>10</sup> Lah bắn tâm rdắl nau chrêk lọp i nau vay Môsê lể geh kắl e nớh, đắh nau chrêk lọp i dắt hô ta nau Brah Huêng Ueh

---

\* **3:5** 3:5: Rôm 15:18-19; Phi 2:13      \* **3:6** 3:6: Nau vay Môsê leo ta nau Kôranh Brah tể dôih, yorlah mâu geh ôh du huê bunuyh i blao ndjôt nắng dắng lể nau vay i nây.      \* **3:6** 3:6: Rôm 7:6; 1Kô 11:25; Hêb 8:7-13      \* **3:7** 3:7: NNg 34:29-30      \* **3:9** 3:9: 1Kô 15:56; Gal 3:10; Hêb 10:28

jan ãbaor dja, lah lě tât jêh nau chrêk lợp i dũt hô nây, nau chrêk lợp kăl e nơh bân uănh tâm ban ma mâu geh ôh.\* <sup>11</sup> Lah nau vay Môsê geh ndâp ma nau chrêk lợp, jêh ri nau chrêk lợp i nây mâu ôh jô jong, lơ ma roh, lah ndri nau Brah Huêng Ueh jan geh nau chrêk lợp lơ hô rlau ma nây, yorlah nau chrêk lợp i nây geh n'ho ro!

<sup>12</sup> Yor ma bân geh nau nrôm mra geh nau chrêk lợp n'ho ro kọt nây, ndri dâng hên geh nuih n'hâm bảnh ma mboh nkoch nau Kôranh Brah. <sup>13</sup> Hên mâu ôh jan tâm ban ma Môsê, păng sô bok nkũm lơi i muh mắt păng nơm, mâu ũch ôh ăn phung bon lan Israel say roh nau chrêk lợp i geh ta muh mắt păng nây.\* <sup>14</sup> Yon ma nuih n'hâm nau mân khân păng hôm dăng ko kọt ơm n'ho ma tât nar dja, nôk khân păng tăng bu rỏ nau tâm rnglăp ơm, bok i nây tâm ban ma hôm nkũm lơi nuih n'hâm nau mân khân păng nơm. Bok i nây hôm nkũm nanao, tât ma khân păng lăp gũ ndrel Brah Krist, mớ dâng bok i nây bah boh nuih n'hâm nau mân khân păng.\* <sup>15</sup> N'ho ma tât nar dja, ăp tở khân păng tăng bu rỏ sambũt Nau Vay Môsê, tâm ban ma geh bok i nây hôm nkũm nuih n'hâm nau mân khân păng mâu ôh ăn vât. <sup>16</sup> Yon ma nôk du huê plở sât nsing ma Kôranh Yêsu, bok i nây roh boh bunuyh i nây ro.\* <sup>17</sup> Lợng Kôranh Yêsu, ndrel ma Brah Huêng Ueh jêng nguai đơm, jêh ri bu moh i geh Brah Huêng Ueh Kôranh Yêsu gũ ta păng, păng i nây

\* **3:10** 3:10-11: Rôm 5:20-21; 10:4; Hêb 7:18 \* **3:13** 3:13: NNg

34:33 \* **3:14** 3:14: Kar 28:26-27; Rôm 11:25 \* **3:16** 3:16: NNg

34:34

lẽ tâm ban ma bunuyh mâu hôm ôh jan dâk bu, mâu hôm khăch ôh jan tâng nau vay gay ma geh rklaih.\* <sup>18</sup> Dâng lẽ bán i mâu hôm geh bok i này nkũm nuih n'hâm nau mân, jêh ri bán say nau chrêk lợp Kôranh Yêsu nơm, ndâp ma bu say nau chrêk lợp Păng ta bán tâm ban ma say ta ndr uánh muh mắt, jêh ri Brah Huêng Ueh dôi rgâl nuih n'hâm nau mân bán, gay ma lợ hô bán jêng tâm ban ma Păng i lẽ geh nau chrêk lợp.\*

## 4

### *Bunuyh năk mboh nkoch nau mhe mhan ueh*

<sup>1</sup> Lah ndri hên mâu ôh dâl nuih n'hâm ta nau jan kar mboh nkoch nau mhe mhan ueh, yorlah Kôranh Brah đã hên jan tă bôh nau yỗ Păng nơm.  
<sup>2</sup> Hên rlăch mâu ứch ôh jan ndr ndôp mpôn i geh nau đit prêng. Hên mâu ôh mbrôh bu, mâu ôh nti nklă nau Kôranh Brah, hên mboh nkoch nau ngăn ta năp mắt Kôranh Brah, jêh ri bu moh i gít năl Kôranh Brah lẽ gít jêh nau i này jêng di.\* <sup>3</sup> Lah nau khlay ta nau mhe mhan ueh i hên mboh nkoch này, bu ê hữ vât tâm ban ma ndrôp mpôn nkũm ma bok, geh ndrôp mpôn ma phung i roh hêng đơm.\* <sup>4</sup> Phung i này mâu ôh nsing, yorlah lẽ Satăng i kôranh mpôl brah djơh jan ăn nuih n'hâm khân păng jêng ngo, mâu ôh ăn khân păng say nau ang ta nau mhe mhan ueh, nau mhe mhan ueh i này nhhơ nau chrêk lợp Brah Krist, ndrêl ma Păng tâm ban ma Kôranh

\* **3:17** 3:17: Luk 4:18; Rôm 8:1-2 \* **3:18** 3:18: 2Kô 4:6; Rôm

8:29 \* **4:2** 4:2: 2Kô 2:17; 1Tê 2:3-6 \* **4:3** 4:3: 1Kô 1:18

Brah nơm ngăn.\* <sup>5</sup> Hên mâu ôh mboh nkoch ma sãk hên nơm, hên mboh nkoch Brah Yêsu Krist jêng Kôranh, jêh ri kơp sãk hên nơm jêng bunuyh sơm kơl jan kar ăn ma khân ay may\* yor ma Brah Yêsu.\* <sup>6</sup> Kôranh Brah lể lah jêh: ‘Ăn lôh ang hồm bơh nau ngo’†, jêh ri Păng lể ngaang jêh ta nuih n’hâm bân, ăn bân năi nau chrêk lơp Kôranh Brah nơm, i ang chrăt bơh muh mắt Brah Krist.\*

<sup>7</sup> Hên geh nau ang ueh i nây ta nuih n’hâm, yơn ma hên jêng tâm ban ma glah uk i hồm blao chah, yơn ma geh đrăp ndr khlay ta trôm, gay ma ăn bu say nau dơi i dứt kuống ta hên tã bơh Kôranh Brah nơm, mâu ôh tã bơh sãk hên nơm.\*

<sup>8</sup> Hên geh nau jêr ăp ntil ngăn, yơn ma nau jêr i nây mâu ôh dơi buay hên, geh đổng hên mâu gít ôh mơm jan, yơn ma hên mâu ôh m̄băr nau rơm. <sup>9</sup> Ābơ dja bu jan jêr ma hên, yơn ma Kôranh Brah mâu ôh ntơi hên, geh bu m̄bang hên ngăn, yơn ma hên mâu khât ôh.\* <sup>10</sup> Ta dăng lể nau jêr hên tâm ban ma hên gũ ndrêl nâng ta nau jêr ndâp ma nau khât Brah Yêsu, yơn ma tã bơh dăng lể nau i nây bu dơi say ta sãk hên nau dơi Brah Yêsu i lể dâk rêh ngăn, yorlah Păng kơl hên nâng. <sup>11</sup> Nau rêh hên bơi ma khât nâng yor ma hên sơm kơl jan kar ma Brah Yêsu, yơn ma tã bơh dăng lể nau i nây bu dơi say ta sãk hên nau

\* **4:4** 4:4: Yôh 14:7-10; Kôl 1:15; Hêb 1:3      \* **4:5** 4:5: ‘Bunuyh sơm kơl jan kar ăn ma khân ay may’, mâu lah ‘Dâk khân ay may’.

\* **4:5** 4:5: 2Kô 1:24; 1Kô 2:1-2    † **4:6** 4:6: NNt 1:3      \* **4:6** 4:6:

1Pê 2:9      \* **4:7** 4:7: 2Kô 5:1; 12:9      \* **4:9** 4:9-11: 2Kô 11:23-29;

1Kô 4:9; 15:31; 2Ti 3:12

dơi Brah Yêsu i lě dâk rêh ngă, bol lah săk hên blao khât. <sup>12</sup> Kot ndri hên gũ rêh dăch đah nau khât nâng, yơn ma tă bơn nau i này dăng khân ay may geh nau rêh n'ho ro.\*

<sup>13</sup> Lě geh nchih ta Nau Kôranh Brah Ngơi: 'Gáp nsing ma Kôranh Brah dăng gáp ngơi'†. Ta nuih n'hâm hên geh nau nsing kot này đống, ndri dăng hên hôm mơn nkoch nau Kôranh Brah.\*

<sup>14</sup> Yor ma bân gĩt jêh Kôranh Brah lě jan ăn Kôranh Yêsu dâk rêh nơ, ndri Păng mra jan ăn bân dâk rêh kot Kôranh Yêsu đống, jêh ri leo bân gũ ta năp Kôranh Brah nơ ndrel khân ay may đống.\* <sup>15</sup> Dăng lě nau jêr hên, gay ma geh nau khlay ma khân ay may. Yorlah geh ők bunuyh mhe gĩt nă nau ueh Kôranh Brah, geh đống lơ ma ők bunuyh lah ueh Kôranh Brah, ndrel ma rnê nau chrêk lơp Păng lơ ma hô đống.\*

### *Nau rêh n'ho ro*

<sup>16</sup> Lah ndri hên mâu geh nau dâl ôh ta nau jan kar hên. Bol lah săk jăn hên n'hâm suan lơ ma lě kađôi, yơn ma ta nuih n'hâm nau mân hên ri lơ ma geh n'hâm suan mhe ăp nar.\* <sup>17</sup> Nau jêr jốt i hên geh abơ dja tâm ban ma đễ đă, ndâp ma du blăt đơ, yơn ma nau i này jan ăn hên geh nau chrêk lơp dứt hô ngă i hôm n'ho ro.\*

<sup>18</sup> Lah ndri hên mâu ôh kơp khlay ma nơ i uănh say, yơn ma hên kơp khlay ma nơ i uănh mâu

---

\* **4:12** 4:12; 1Kô 4:10 † **4:13** 4:13; NMO' 116:10 \* **4:13** 4:13; Kar 4:20; 1Kô 9:16 \* **4:14** 4:14; Rôm 6:8; 8:11; 1Kô 6:14; 15:20 \* **4:15** 4:15; 2Kô 1:6 \* **4:16** 4:16; 1Kô 9:27; Eph 3:16 \* **4:17** 4:17-18; Rôm 8:17-22; 2Ti 3:12

say, yorlah ndơ i uảnh say tâm ban ma geh du blât đơm, yơn ma ndơ i uảnh mâu say, jêng ndơ i hôm geh n'ho ro.

## 5

<sup>1</sup> Bân lể gít jêh, săk jăn bân ta neh ntu dja tâm ban ma chun i jan ma bok ntũk veh gũ đơm, yơn ma nôk bân khât bân mra geh săk jăn mhe ta ðon ueh, jêng tâm ban ma jay i hôm n'ho ro, mâu ôh jan ma ti bunuyh, yơn ma jan ma ti Kôranh Brah nơm.\* <sup>2</sup> Ta neh ntu ađơ dja bân hô ngăn vơl ũch geh săk jăn i mra geh ta ðon ueh, ũch rgâl săk jăn mhe, tâm ban ma rgâl kho ao ơm nsoh kho ao mhe, <sup>3</sup> yorlah bân mra geh săk jăn mhe, mâu ôh tâm ban ma gũ săk kuh. <sup>4</sup> Nôk hôm e geh săk jăn ta neh ntu dja bân hôm vơl ngăn, yorlah hôm geh nau jêr jôt. Yơn ma bân mâu ũch ôh khât n'ho ma roh săk jăn, bân ũch geh săk jăn mhe, gay ma săk jăn i blao khât dja rgâl jêng săk jăn i rêh n'ho ro, tâm ban ma ndơ rêh ngăn rnguăn ndơ blao khât. <sup>5</sup> Kôranh Brah nơm njêng bân gay ma geh nau rgâl kơt nây, jêh ri Păng nơm đơng i lể ănh Brah Huêng Ueh gũ ta bân tâm ban ma ndơ nchăm, gay ma gít nau i nây mra geh ngăn ro.\*

<sup>6</sup> Ndri dăng bân hôm geh nuinh n'hâm nsing nập ðađơ ngăn. Bân gít n'hêl jêh, nôk bân hôm geh săk jăn dja, bân ê hữ gũ ta ðon ueh ntũk Kôranh Yêsu.\* <sup>7</sup> Ađơ dja bân gũ rêh ma nau nsing, mâu

---

\* 5:1 5:1-4: Rôm 8:23-25; 1Kô 15:51-54; Phi 3:21 \* 5:5 5:5: 2Kô 1:21-22; Êph 1:4; 4:30 \* 5:6 5:6: Hêb 11:13

ôh di gũ rêh ma ndr' uănh say.\* <sup>8</sup> Bân geh nuih n'hâm nsing nâp ngă, jêh ri bân ũch lôh bôh săk jăn dja, ueh rlau hán gũ ta bon ueh ndrel Kôranh Yêsu. <sup>9</sup> Kot ndrî dâng bân nsrôyh tâng joi ăn di nuih n'hâm Păng, bol lah hôm e gũ ta săk jăn dja, mâu lah lôh bôh săk jăn dja kađôi, <sup>10</sup> yorlah dâng lě bân mâu ôh dôi der gũ bôh năp ntũk Brah Krist nôm phat dôih, gay ma dâng lě bân geh play i tă bôh bân nôm jan nôk hôm gũ ta săk jăn dja, bol lah ndr' ueh, mâu lah ndr' djôh kađôi.\*

### *Nau rông Brah Krist*

<sup>11</sup> Yor ma hên lě nă nau klach yôk ma Kôranh Yêsu, hên nsrôyh mboh nkoch ma bunuyh ăn nsing ma Păng đống. Kôranh Brah lě gít nă nuih n'hâm hên, jêh ri gáp rnom khân ay may gít nă nuih n'hâm hên đống.\* <sup>12</sup> Ndr' i dja mâu ôh di hên rnê êng săk hên nôm, yon ma hên ăn khân ay may geh nau ngoi ueh ma hên, gay ma khân ay may blaol ơh đah ma mpôl i ngoi mâu ueh ma hên, mpôl i nây kôp khlay nau ta kalo' ntô dôm, mâu ôh kôp khlay nau ta trôm nuih n'hâm.\* <sup>13</sup> Lah hên jêng tâm ban ma bunuyh trời, hên trời gay ma geh nau khlay ma Kôranh Brah, lah hên jêng nau mân ueh, hên jêng nau mân ueh nây gay ma geh nau khlay ma khân ay may.\* <sup>14</sup> Dâng lě ndr' hên jan, yorlah nau rông

\* 5:7 5:7-8: NNg 33:20-23; 1Kô 13:12; Phi 1:23; 1Pê 1:8-9 \* 5:10

5:10: Mat 25:31-32; Yôh 5:22; 12:47-48; Rôm 2:16; 14:10-12; 1Kô 4:5; Phi 1:10-11; 2Ti 4:8 \* 5:11 5:11: 1Kô 9:19-23; Phi 1:18

\* 5:12 5:12: 2Kô 1:14 \* 5:13 5:13: 1Kô 14:19

Brah Krist ntrôl hên. Hên iătt ngănn geh du huê bunuyh lě khăt ntrô ănn ma dăng lě bunuyh, lah ndrî dăng lě bunuyh tâm ban ma khăt dadê đống, mầu hôm khăch ôh sô đơn nau tể dôih yor ma nau tih.\* <sup>15</sup> Brah Krist lě khăt jêh ma dăng lě bunuyh, gay ma bu moh i gũ rêh, mầu ôh rêh ma săk păng nơm, yor ma rêh ma Nơm i lě khăt ma păng, jêng Nơm i dăk rêh này hỏ.\*

<sup>16</sup> Ndrî dăng ntrôm bơh ăbăơ dja hên mầu hôm ôh uănh bunuyh kơt bunuyh i mầu gĩt năl Kôranh Brah. Bơh ntrôm nơh hên mầu ôh kơp khlay Brah Krist kơt dăng lě bunuyh i mầu gĩt năl Kôranh Brah đống, yor ma ăbăơ dja hên mầu ôh hôm kơp Păng kơt này. <sup>17</sup> Bu moh lě gũ tâm rnglăp ndrêl Brah Krist, bunuyh i này lě Kôranh Brah njêng mhe, dăng lě ndrô ơm lě rgăl jêng mhe dadê.\* <sup>18</sup> Dăng lě nau i này jêng tă bơh Kôranh Brah nơm, Păng tâm boh tâm blai bân ănn tâm di ma Păng nơm, yor ma ndrô Brah Krist lě jan, jêh ri Păng ănn bân jan kar năk kơl tâm boh tâm blai dja gay ma ănn bunuyh tâm di đăh Păng nơm đống.\*

<sup>19</sup> Ta Brah Krist Kôranh Brah tâm boh tâm blai dăng lě bunuyh ănn tâm di đăh Păng nơm, Păng mầu ôh klăp ndrăng nau tih bunuyh. Jêh ri Păng ănn hên mborh nkoch nau tâm boh tâm blai i này ma bu đống. <sup>20</sup> Lah ndrî hên dja jêng bunuyh i

\* **5:14** 5:14: Rôm 5:15; 6:3; Kôl 3:3; Gal 2:16; 2Kô 5:18-21 \* **5:15** 5:15: Rôm 14:7-9; Gal 2:19-20; Phi 1:21-23 \* **5:17** 5:17: Rôm 6:4; Gal 2:20; Êph 4:22-24 \* **5:18** 5:18-21: 2Kô 5:14; Mar 10:45; Luk 24:44-46; Rôm 3:21-26; 4:25; 5:8-10; 1Kô 15:3; Kôl 1:19-22; 1Ti 2:5-6; Hêb 9:12-14; 1Yô 2:1-2; Êsa 52:13-15; 53:4-12

Brah Krist đã hăn, jêng sơm ntang ma Păng nơm, jêng tâm ban ma Kôranh Brah ngơi ma khân ay may ta nau ngơi hên. Hên dẫn khân ay may hô ngãn tâm ban ma Brah Krist nơm dẫn khân ay may kơt nũa: Ân khân ay may gũ tâm boh tâm blai ndrel Kôranh Brah!\* <sup>21</sup> Brah Krist mâu ôh geh nau tih, yơn ma Kôranh Brah kơp Păng geh nau tih, jêh ri Kôranh Brah tể dôih Păng, gay ma ntrở bân, ndrì Kôranh Brah đơi kơp bân lể sỡng, yor ma bân nsing ma Brah Krist.\*

## 6

<sup>1</sup> Yor ma hên jan kar ndrel Kôranh Brah, khân ay may lể sỡ đơn jêh nau ueh Kôranh Brah, lah ndrì hên dẫn khân ay may hô ngãn: Khân ay may lơi ôh gũ dah ma ứch đơn, tâm ban ma nau ueh Kôranh Brah mâu geh khlay ma khân ay may. <sup>2</sup> Yorlah Păng lể lah nỡh:

‘Gáp ơh nau khân ay may mboh sơm ta mong  
 Gáp lể ơm ứch,  
 Gáp kơl khân ay may tât di nar Gáp lể ơm  
 ứch rklaih khân ay may’†.

Nôk aãơ dja jêng mong i này, nôk nar dja jêng nar Kôranh Brah rklaih.

<sup>3</sup> Hên nsrôyh gũ ngao ueh, gay ma mâu ôh geh du ntil ndr ấn bu nduih hên, n’ho ma tâm rlách mâu ôh sỡ đơn nau hên ntũm nti, yor ma nau gũ ngao hên mâu ueh này.\* <sup>4</sup> Dâng lể ndr hên jan, hên nhhơ ấn bu say hên bunuyh sơm kơl jan

\* **5:20** 5:20: Luk 24:47; Rôm 10:15-16; 1Ti 2:7; 2Ti 1:1; Esa 53:1

\* **5:21** 5:21: Rôm 8:34 † **6:2** 6:2: Esa 49:8 \* **6:3** 6:3: 1Ti 3:7

kar ma Kôranh Brah ngăng ngên: Ta nau gũ nập ta nau nsing, bol lah geh ăp ntil nau jêr jôt, mập ma nau rêh rnhăi, nau nklôn rvê,\* <sup>5</sup> nau bu pũ mbang hên, nau bu tễ hên trôm ndrung, nau bu jan nau uh ah, nau hên jan kar rơah rgănh, nau hên rgống mắt, nau hên mâu geh ndrơ sông sa.\* <sup>6</sup> Hên nhơ ăn bu say hên bunuyh sơm kớl jan kar ma Kôranh Brah ngăng ngên ma nau gũ ngao ueh, ma nau gĩt năi Kôranh Brah, ma nau blaot ăt nuh, ma nau jan ueh ma bu, ma nau Brah Huêng Ueh i kloh ueh gũ ndrêl hên, ma nau geh nuh n'hâm rông ma bu răp jăp, <sup>7</sup> ma nau mbơh nkoch nau ngăng, ma nau đơi Kôranh Brah nơm. Nau hên gũ sông jêng tâm ban ma đơng đao ma tâm lơh ta ti bơh ma, đơng khêl ma njrăng ta ti bơh chiaot.\* <sup>8</sup> Bu say hên bunuyh sơm kớl jan kar ma Kôranh Brah ta nau bu yớk hên, ta nau bu biănh, ta nau bu mưch rmot, ta nau bu rnê. Bu kớp hên jêng bunuyh mbrôh, yớn ma hên jêng bunuyh sông. <sup>9</sup> Bol lah bu lư hên kađôi, ốk bunuyh hôm kớp hên mâu geh nau khlay. Hên bới ma khăt bảbớ ngăng, yớn ma hên hôm rêh. Bu pũ mbang, yớn ma hên mâu ôh khăt săk.\* <sup>10</sup> Bu jan ăn hên geh nau nklôn rngot, yớn ma hên ueh maak bảbớ ngăng. Hên bunuyh o ach, yớn ma hên tâm ban ma jan ăn bunuyh jêng ndrông ốk ngăng, uănh hên tâm ban ma mâu ôh geh du ntil ndrơ, yớn ma hên geh dadê.\*

\* **6:4** 6:4-10: 2Kô 4:8-13; 11:23-29; 1Kô 4:9-13; 2Ti 3:12 \* **6:5**

6:5: 1Kô 9:27 \* **6:7** 6:7: 2Kô 4:6-7 \* **6:9** 6:9: Kar 14:19-20

\* **6:10** 6:10: Phi 4:11-13; 1Ti 6:6-8

11 O' oh nô ta nau nsing ta ðon Kôřintô, hên ngoi ma khân ay may ma lě nuh n'hâm ngă, hên mâu ôh pôn mo.\* 12 Nuih n'hâm hên mâu ôh geh nau keh koh ma khân ay may, bol lah nuh n'hâm khân ay may nôm i geh nau keh koh nây ma hên. 13 Hên ngoi ma khân ay may tâm ban ma ngoi ma kon sau hên nôm ngă, lah ndrî ăn khân ay may geh nuh n'hâm ueh ma hên dô, tâm ban ma hên lě geh nuh n'hâm ueh ma khân ay may ðong.

*Nau tâm nkah ðah bunuyh i mâu nsing*

14 Bu mâu ôh mbăk ndrel mpômpa (siũm), nguai ndrôk, nguai seh, kot ndrî ðong loi ôh tâm rnglăp jan ndrel ndrî ma bunuyh i mâu nsing, yorlah nau sông ðah nau kue gũ ndrel mâu ôh blao, nau ang ðah nau ngo gũ ndrel kô mâu blao ðong.\* 15 Brah Krist ðah Satăng\* i kôranh mpôl brah djôh blao tâm lăp băl ðong bôh? Bunuyh nsing ðah bunuyh mâu nsing blao gũ du ntô nau băl ðong bôh? 16 Nih brah Kôranh Brah nôm ðah ma ntũk ôp brah† blao tâm lăp băl ðong bôh? Yorlah dăng lě bân jêng tâm ban ma nih brah Kôranh Brah nôm, brah i rêh ngă, Păng lě lah jêh kot nđa:

‘Găp mra gũ ta khân păng, jêh ri hăn brổ ndrel khân păng ðong.

Găp mra jêng i brah khân păng

---

\* **6:11** 6:11-13: Phi 1:8; 1Kô 4:15 \* **6:14** 6:14-17: Mat 6:24; 1Kô 10:21; Eph 5:6-11 \* **6:15** 6:15: Ta nau ngoi Grek lah: ‘Bêlial’, jêng rnha nguai ma Satăng. † **6:16** 6:16: ‘Ntũk ôp brah’, mâu lah ‘Rup brah êng êng’.

Jêh ri khân păng jêng i phung bon lan Gáp  
nôm<sup>†</sup>.\*

17 Lẽ geh nchih đống:

'Kôranh Brah lah: 'Lah ndri du hõm bõh phung  
i mâu iất Gáp nây,

Jêh ri gũ êng rnhõh hõ

Lơi ôh pah ndr i bõ bõch,

Ndri dâng Gáp rom khân ay may''\*.\*

18 "Gáp mra jêng bõ ma khân ay may,

Jêh ri khân ay may mra jêng i kon bu ur kon  
bu klô Gáp nôm đống'

Ndri nau ngơi Kôranh Brah nôm i dũt geh nau  
dơi ma dâng lẽ ntil ndr<sup>†</sup>.\*

## 7

<sup>1</sup> Ở oh nô ta nau nsing i gáp rống, lah bản lẽ geh  
jêh nau Kôranh Brah ton i nây, ăn bản m̄bãr lơi  
dâng lẽ ndr bõ bõch ta nau rêh bản nôm, ndâp  
ma ndr i bản jan, ndâp ma ndr ta nuh n'hâm,  
ăn bản gũ dũt kloh ueh, yor ma klach yõk ma  
Kôranh Brah.\*

### *Pôl rãm maak*

<sup>2</sup> Ăn khân ay may kợp khlay ma hên ta nuh  
n'hâm khân ay may! Hên mâu ôh prot jan tih  
ma du huê bunuyh, hên mâu ôh prot leo du huê  
hiot, hên mâu ôh prot sa nsiãn ndr bu du huê.\*

<sup>3</sup> Hên ngơi kọt nây mâu ôh di gay ma nduih khân  
ay may. Lẽ gáp mboh jêh ma khân ay may a lor

† **6:16** 6:16: Esê 37:27 \* **6:16** 6:16: KLê 26:12; Yêr 32:38

\* **6:17** 6:17: Esa 52:11 \* **6:17** 6:17: Esê 20:34, 41 † **6:18**

6:18: 2Sa 7:14 \* **6:18** 6:18: Ęsa 43:6 \* **7:1** 7:1: Phi 2:12; 1Pê

1:17 \* **7:2** 7:2-4: 2Kô 6:11-13

nơh, hên rông khân ay may, rêh ndrel khât ndrel khân ay may. <sup>4</sup> Ta nuih n'hâm gâp, gâp nsing khân ay may jan ueh, gâp nkoch nau ueh khân ay may ma bu êng. Nuih n'hâm gâp lě rthi yor ma khân ay may, gâp rãm maak ma khân ay may dứt hô, bol lah geh ăp ntil nau rêh rnhăl kađôi.

<sup>5</sup> Nôk hên tât ta bri Masêđôn, nuih n'hâm hên mâu ôh geh nau đăp mpăn. Hên geh ăp ntil nau rêh rnhăl, geh nau tâm rdâng ma bu, ta trôm nuih n'hâm geh nau rvê.\* <sup>6</sup> Yơn ma Kôranh Brah nơm i rthi nuih n'hâm bunuyh i geh nau rngot rvê, Păng rthi nuih n'hâm hên yor ma Titus lě tât jêh ta hên. <sup>7</sup> Nuih n'hâm hên lě rthi mâu ôh đơn ma păng lě tât nây đơn, yor ma păng mboh nkoch ma hên nau mhe boh khân ay may i nau khân ay may rthi nuih n'hâm păng. Păng mboh ma hên, khân ay may hô ngăn ếch mập hên, khân ay may lě rngot yor ma nau đơh i geh ta khân ay may nơh, nđăp ma khân ay may hô ngăn ếch iătt nau gâp, dăng lě nau i nây jan ăn gâp rãm maak lơ ma hô ngăn.\*

<sup>8</sup> Bol lah sambăt i gâp njuăl a lor nơh jan ăn khân ay may geh nau rngot ta nuih n'hâm kađôi, kô gâp mâu hôm geh nduih tôr đổng, bol lah boh nơm nơh gâp geh nau nduih tôr du n'hâm, yorlah gâp tâng nau i gâp nchih nây jan ăn khân ay may geh nuih n'hâm rngot. <sup>9</sup> Yơn ma abao dja gâp ueh maak, nau gâp ueh maak i nây mâu ôh yor ma jan i ăn khân ay may rngot, yơn ma gâp ueh maak yor ma nau rngot i nây jan ăn khân ay

---

\* 7:5 7:5-6: 2Kô 2:13; Kar 20:1 \* 7:7 7:7-9: 2Kô 2:1-4

may rgâl lơi nuih n'hâm djơh nơh, nau khân ay may rngot nơh jêng di đah nau Kôranh Brah ếch. Kơt ndri dăng gập mâu geh ôh jan ăn khân ay may jêng djơh. <sup>10</sup> Nau rngot i di đah nau Kôranh Brah ếch, jan ăn rgâl lơi nuih n'hâm djơh, gay ma geh nau rklaih, nau i này mâu geh ôh nduih tôr. Yơn ma nau rngot i mâu ôh leo rgâl nuih n'hâm djơh bêng ma leo ta nau Kôranh Brah tể dôih n'ho ro. <sup>11</sup> Lỡng khân ay may mân, nau i khân ay may rngot này nơh moh bả geh nau khlay ma khân ay may: Khân ay may ếch ngấn jan ăn ueh rgâl lơi nau i djơh nơh, khân ay may ji nuih ngấn ma nau djơh i này, khân ay may klach Kôranh Brah tể dôih khân ay may ndập ma bunuyh i này, khân ay may ếch mấp gập ngấn, khân ay may ếch ngấn tể dôih ma bunuyh i này. Dăng lẽ nau i này jêng nhhơ n'hêl nanê ngấn khân ay may mâu ôh geh nau tih ta nau i này.\*

<sup>12</sup> Lah ndri nau i gập nchih njuảl ăn khân ay may này nơh, mâu ôh di yor ma du huê bunuyh i jan tih, mâu lah ma bunuyh i sỡ đơn nau tih i này, nau gập ếch nchih này gay ma nhhơ ta nấp mắt Kôranh Brah nau i khân ay may lẽ ếch ngấn jan tâng nau hên.\* <sup>13</sup> Dăng lẽ nau i này jan ăn rthi nuih n'hâm hên. Yơn ma rlau bớh nau rthi i này jât hên rằm maak, yor ma Titus rằm maak, tã bớh khân ay may rthi nuih n'hâm păng. <sup>14</sup> Nau i gập lẽ nkoch nau ueh khân ay may ăn ma Titus nơh, gập mâu ôh geh nau đit prêng, yorlah khân ay may lẽ jan kơt này ngấn. Dăng lẽ nau i hên

\* 7:11 7:11: 2Kô 2:5 \* 7:12 7:12: 2Kô 2:9

mboh nkoch ma khân ay may nơh di ngãn, kơt ndri đổng nau hên mboh nkoch ma Titus say di ngãn đổng.\* <sup>15</sup> Nôk pãng kah gĩt ma nau dãng lẽ khân ay may geh nuih n'hâm iắt pãng, ndrel ma rom pãng ma nau klach yơk nây nơh, pãng geh nuih n'hâm rỗng ma khân ay may lơ hô ngãn. <sup>16</sup> Gáp maak dứt hô ngãn, yor ma gáp dơi nsing ma khân ay may dãng lẽ nơ jan.

## 8

### *Nau tẻ n्हơ ma Kôranh Brah*

<sup>1</sup> Ở oh nô ta nau nsing, hên dân mboh ăn khân ay may gĩt nơ i Kôranh Brah lẽ jan tã bơh nau ueh Pãng nơm ta phung nsing ma Brah Krist ta ăp ntũk ta bri Masêđôn.\* <sup>2</sup> Bol lah phung khân pãng i nây geh nau rēh rnhãl dứt hô kađôi, khân pãng hôm geh nau rãm maak dứt hô ngãn, jēh ri bol lah khân pãng o ach dứt hô kađôi, khân pãng hôm e geh nuih n'hâm n्हơ ők ngãn đổng gay ma kơl bu êng. <sup>3</sup> Gáp nơm say, phung khân pãng i nây ăn prăk tâng i nau khân pãng nơm geh ők, jēh ri ăn ők rlau ma i nây jât, ăn lẽ bơh nuih n'hâm jât. <sup>4</sup> Khân pãng mboh ma hên, khân pãng dứt hô ngãn ũch, gay ma dơi kơl phung bon lan Kôranh Brah ta bon Yêrusalem, kơt phung nsing ta ntũk êng kơl đổng.\* <sup>5</sup> Nau i khân pãng n्हơ kơt nây, jēng rlau bơh nau hên lẽ geh măn nơh ngãn, khân pãng n्हơ sãk khân pãng nơm ma Kôranh Brah lor, jan tâng nau Kôranh Brah đã

\* **7:14** 7:14; 2Kô 8:24 \* **8:1** 8:1-15; 2Kô 9:1-15; Gal 2:10 \* **8:4** 8:4; Gal 6:10

ma lě nuh n'hâm, jêh bôh nây khân păng nhôh sāk khân păng nôm ăn iăt nau hên, jêng di đah nau Kôranh Brah ếch ngăn ro. <sup>6</sup> Kot ndri dăng hên ntrôl Titus, plở tay ta khân ay may, gay ma leo khân ay may jan ăn jêh nau nhôh kar ueh khân ay may i nây, kot i păng lě jêh nôm leo khân ay may ma nau i nây nôm. <sup>7</sup> Gáp vay say khân ay may jan dăng lě nđơ dứt ueh ngăn, nau nsing khân ay may nập ngăn, khân ay may blao nti bu, khân ay may lě gít vât nau Kôranh Brah, khân ay may nsrôyh ta ập ntil nđơ, jêh ri nđập ma geh nuh n'hâm rông ma hên. Lah ndri nau rgum prāk nhôh i nây ăn khân ay may jan dứt ueh đổng.\*

<sup>8</sup> Gáp ngời kot nây mâu ôh di gáp đả khân ay may, yơn ma gáp ếch say nuh n'hâm rông khân ay may rấp jấp kot nuh n'hâm rông phung nsing ta ntúk êng mâu lah mâu. <sup>9</sup> Khân ay may lě gít jêh nau ueh Brah Yêsu Krist, Păng ndrông ngăn ta kalơ trôk, yơn ma Păng rgâl jêng o ach jêng bunuyh ta neh ntu, yor ma khân ay may, gay ma ăn khân ay may jêng ndrông tă bôh nau o ach Păng nây.\*

<sup>10</sup> Gáp mân lah ueh ma khân ay may jan kot nđa: Nâm e nôm khân ay may lě ếch nhôh kot nây lor bu nôm, jêh ri nôm nhôh đổng. <sup>11</sup> Lah ndri ăn khân ay may jan jêh hôm nđơ i nây dô. Mơh bả nuh n'hâm khân ay may lě nđơ jêh bôh nôm nôm, ăn jan ngăn jêng tâm di kot i nây đổng dô, tâng i khân ay may geh. <sup>12</sup> Lah bân geh

\* 8:7 8:7: 1Kô 1:5 \* 8:9 8:9: Phi 2:6-7

nuih n'hâm urch ăn, Kôranh Brah rãm maak ma ndơ i ắp nơm dơi ăn, Pãng mâu ôh urch bân ăn rlau ma ndơ bân geh.\*

<sup>13</sup> Gáp mâu ôh urch khân ay may mâu tổng tả bơh kơl bunuyh a êng, yơn ma gáp urch dăng lẽ bảl ăn geh dadê. <sup>14</sup> Ābaơ dja khân ay may geh ők rmeh, blaο kơl khân pãng i mâu tổng, lah tất khân pãng geh ők rmeh, khân pãng mra kơl khân ay may đổng nôk khân ay may mâu tổng. Lah ndrì dăng lẽ bảl geh tâm ban. <sup>15</sup> Ta Nau Kôranh Brah Ngơi lẽ nchih jêh ma phung Israel nôk khân pãng dôn̄h ndơ sông sa Mana ta bri rdah nơh:

'Bu moh i dôn̄h geh ők kỗ mâu rmeh đổng,

Bu moh i dôn̄h geh đễ đả dơm kỗ mâu pah pốt đổng†.

*Titus, đah bunuyh i jan kar ndrel pãng*

<sup>16</sup> Lah ueh ma Kôranh Brah, yorlah Pãng ăn Titus geh nuih n'hâm gơyh ndơ urch kơl khân ay may kơt gáp đổng. <sup>17</sup> Titus mâu ôh đơn urch tâng nau hên dãn hãn ta khân ay may du tở tay, rlau bơh nây jât pãng geh nuih n'hâm gơyh ndơ êng sảk pãng nơm hãn a khân ay may.\* <sup>18</sup> Jêh ri hên ăn du huê oh nô ta nau nsing hãn ndrel, pãng bunuyh i phung nsing ta ắp ntũk rnê hô ngãn ma nau pãng mboh nkoch nau mhe mhan ueh.\*

<sup>19</sup> Rlau bơh nây jât, phung nsing ntũk êng êng lẽ kơih jêh pãng ăn hãn ndrel hên ta nau rgum pắk nhhơ i nây, nau nhhơ i nây jêng du ntil nau sơm kơl jan kar i yơk Kôranh Brah, ndrel ma ăn

\* 8:12 8:12: Mar 12:41-44 † 8:15 8:15: NNg 16:18 \* 8:17

8:17: 2Kô 8:6 \* 8:18 8:18: 2Kô 12:18

bu say đống nau hên geh nuih n'hâm goyh nđơ  
 ếch kớ bu.\* <sup>20</sup> Hên jan kớ này gay ma mâu ôh  
 geh du huê bunuyh đơ nduih hên ta nau đống  
 prăk i bu nhơ ăk ngă lể bớh nuih n'hâm  
 này. <sup>21</sup> Hên nsrôyh jan ueh ma dăng lể nđơ, mâu  
 ôh đơ ta nấp mắt Kôranh Brah đơ, nđập ma  
 ta nấp mắt dăng lể bunuyh đống. <sup>22</sup> Jêh ri hên  
 ăn oh nô du huê jât ăn hăn ndrel khân păng bar  
 hê này. Hên lể vay rlong nuih n'hâm păng ôk tở,  
 say păng goyh hô ngă jan ăp ntil nđơ. Jông dja  
 păng ếch nhơ nuih n'hâm goyh nđơ rlau bớh  
 a lor nớh jât, yorlah păng nsing hô ngă khân  
 ay may ếch kớ ngă. <sup>23</sup> Titus jêng mât jăng gáp  
 jêng bunuyh i sôm kớ jan kar ma khân ay may  
 ndrel gáp. Khân păng i bar hê hăn ndrel i này  
 jêng sôm ntang phung nsing ntũk êng êng, nau  
 gũ rêh bar hê khân păng này ueh ăn bu rnê ma  
 Brah Krist. <sup>24</sup> Lah ndri ăn khân ay may nhơ  
 nau rông khân ay may ma khân păng dô, gay ma  
 phung nsing ăp ntũk say n'hêl nau hên rnê khân  
 ay may nớh jêng di ngă.\*

## 9

*Nau rgum prăk ma kớ phung nsing ta đon  
 Yêrusalem*

<sup>1</sup> Gáp mâu hôm ôh khăch nchih sambũt njuăl  
 ăn ma khân ay may jât, gay ma mớh nkoch  
 nau nhơ prăk ma kớ phung đon lan Kôranh  
 Brah ta đon Yêrusalem,\* <sup>2</sup> yorlah gáp lể gít jêh

\* **8:19** 8:19-20; 2Kô 9:1-15; Gal 2:10      \* **8:24** 8:24; 2Kô 7:14-15

\* **9:1** 9:1-15; 2Kô 8:1-15, 19-20; Gal 2:10

khân ay may ếch ngăn kơl khân păng, gập lể rnê khân ay may mboh nkoch ăn ma phung nsing ta bri Masêđôn lah: “Phung nsing ta bri Akhây\* lể ndrăp nhhơ bơh năm e nơh.” Jêh ri nau goyh ndrô khân ay may lể ntrôl nuih n'hâm bunuyh ôk ta bri Masêđôn ma nhhơ prăk.\* <sup>3</sup> Yơn ma gáp hơm ăn mpôl oh nô i nây hăn a khân ay may, gay ma khân păng say ndrô i gập lể rnê khân ay may nơh jêng ngăn, jêh ri nôk hên tăt ta khân ay may tay, khân ay may lể ndrăp jêh prăk nhhơ kot gập lể ngơi nây.\* <sup>4</sup> Lah geh oh nô tă bơh bri Masêđôn hăn ndrel hên a khân ay may, lah say khân ay may ê hỏ jêh ndrăp ôh, lah ndrô mâu ôh geh dơn hên dơn geh nau đit prêng, ndâp ma khân ay may kỏ geh nau đit prêng đong, yorlah hên lể nsing khân ay may hô ngăn. <sup>5</sup> Kot ndrô dăng gáp măn di dăn mpôl oh nô i nây hăn lor a khân ay may, gay ma ndrăp prăk ôk i khân ay may lể ton nây nơh ăn jêh phiao. Lah ndrô bu mra say khân ay may ăn ma lể nuih n'hâm, mâu ôh tă bơh nau ncháp.

*Bu moh i tuch ôk geh ôk đong*

<sup>6</sup> Ăn khân ay may găt ma nau dja: Bu moh i tuch đễ mra rek geh đễ đong, yơn ma bu moh i tuch ôk mra rek geh ôk đong. <sup>7</sup> Lah ndrô ăn ăp nơm khân ay may tể nhhơ tâng i nuih n'hâm khân ay may nơm lể ếch, mâu ôh ăn ma nau nhhuach, mâu ôh ăn ma nau ncháp, yorlah Kôranh Brah ếch

\* 9:2 9:2: Bon Kôrintô jêng ta bri Akhây.

\* 9:2 9:2: 2Kô 8:19

\* 9:3 9:3: 2Kô 8:23

ma bu moh i ăn ma bu ma nuih n'hâm maak.\*  
 8 Păng dơi ăn nau geh jêng ők rmeh ma khân ay  
 may, gay ma geh ăp ntil ndơ đống ma khân ay  
 may ăbơ, jêh ri hôm ők rmeh đống, gay ma jan  
 ăp ntil ndơ ueh ma bu.\* 9 Kơt Nau Kôranh Brah  
 Ngơi lẽ geh nchih lah:

'Bunuyh i pã ndơ ma bu, i ăn ndơ ma bunuyh o  
 ach,

Nau sồng păng hôm gũ krêp n'ho ro'†.

10 Kôranh Brah i ăn gãr ntil ma tuch, ndrel ma  
 ăn ndơ sông sa, păng mra mât gãr ntil khân ay  
 may, ndrel ma ăn gãr ntil i này geh ők đống, gay  
 ma ndơ ueh i khân ay may jan ma bu geh ők  
 ngãn, nau i này tâm ban ma geh play ők ngãn.

11 Păng mra jan ăn khân ay may jêng ndrông ta  
 dâng lẽ ntil ndơ, gay ma khân ay may geh ndơ  
 nâng ma kơl bu ma lẽ nuih n'hâm, jêh ri mra geh  
 ők bunuyh lah ueh ma Kôranh Brah prăk i khân  
 ay may nhhơ hên de ndjôt.\*

12 Nau rgum prăk nhhơ i này mâu ôh đơn  
 ma kơl ma phung ăon lan Kôranh Brah đơ, m,  
 rlah bơ này jât lơ ma ők đống bunuyh lah ueh  
 Kôranh Brah ma nau nhhơ i này. 13 Tã bơ  
 nau rgum prăk khân ay may i này, bu mra rnê  
 Kôranh Brah, yor ma khân ay may ăn ők prăk  
 ma khân păng, ndâp ma dâng lẽ phung nsing,  
 bu mra rnê Kôranh Brah đống, yorlah nau khân  
 ay may jan này, nhhơ khân ay may nơm jan tâng  
 nau nti ta nau mhe mhan ueh Brah Krist ngãn.\*

---

\* 9:7 9:7: 2Kô 8:8; Phm 1:14 \* 9:8 9:8: Phi 4:19 † 9:9 9:9:  
 NMO 112:9 \* 9:11 9:11: 2Kô 1:11; 4:15 \* 9:13 9:13: 2Kô 8:8

14 Khân păng mra mboh sơm dẫn Kôranh Brah ăn ma khân ay may, ndâp ma geh nuih n'hâm rông ma khân ay may, yor ma khân păng say nau ueh Kôranh Brah dứt kuông geh ta khân ay may. 15 Dẫn lah ueh Kôranh Brah ma nau i Păng ăn ma bân nây i mâu hôm ôh blao ntât.

## 10

### *Pôl ôh nau bu ntôn păng*

1 Geh bunuyh abă lah gâp\*, nôk gâp gũ ndrel khân ay may gâp jan bunuyh mâu bãnh ngơi dăng, tih ma nôk gũ ngai jan janh đah khân ay may hô ngăn. Gâp dẫn khân ay may ma nuih n'hâm mleh, ndrel ma nuih n'hâm dêh rhêt Brah Krist,\* 2 gâp dẫn khân ay may hô ngăn, gay ma nôk gâp hăn a khân ay may tay lơi ôh ăn gâp geh nuih n'hâm janh đah bunuyh i mân lah hên gũ ngao jan ndơ tâm ban ma bunuyh i mâu nsing ma Brah Krist.\* 3 Bol lah hên bunuyh gũ ta neh ntu dja kađôi, kô hên mâu ôh tâm lơi kơt bunuyh ta neh ntu dja. 4 Nđơ tâm lơi i hên đống nây, mâu ôh di đơ tâm lơi i bu đống ta neh ntu dja, yơn ma jêng đơ i geh nau đơi tă bơh Kôranh Brah i đơi lơi rlôm lơi nau mân bunuyh i tâm rdâng đah Kôranh Brah, tâm ban ma lơi rlôm lơi pôyh.\* 5 Hên lơi rlôm lơi dăng lể nau rlăch bunuyh i kơp êng geh nau khlay, i tâm rlăch đah nau nti nau Kôranh Brah. Hên rgum dăng lể nau

\* 10:1 10:1: 'Gâp', mâu lah 'Gâp Pôl'. \* 10:1 10:1: 1Kô 2:1-5

\* 10:2 10:2: 2Kô 13:1-2; 1Kô 4:21 \* 10:4 10:4-5: 2Kô 6:7; Eph 6:10-17

mân i tâm rdâng đah nau Brah Krist, jêh ri jan ăn iăť Brah Krist. <sup>6</sup> Jêh ri tăt khân ay may lě jêh iăť dâng lě nau Brah Krist đă, gáp lě ndrăp nuih n'hâm jêh, ma tể dôi h bunuyh i hôm dăng ko mâu ếch iăť.

<sup>7</sup> Ăn khân ay may mân ma ndr i khân ay may lě say n'hêl, jêh ri bu moh i kơp êng săk păng nơm jêng ðon lan Brah Krist, păng i nây mra say hên jêng ðon lan Brah Krist kơt păng nơm đōng.

<sup>8</sup> Kôranh Brah lě ăn jêh nau dơi ma hên, Păng ăn nau dơi i nây gay ma kơl khân ay may, mâu ôh di gay ma lơh lơi khân ay may. Bol lah gáp rnê êng săk ma nau dơi i nây hô ir kăđôi lě, kố mâu geh nau đit prêng đōng.\* <sup>9</sup> Gáp mâu ôh di lah ếch ăn khân ay may klach, yor ma sambăt gáp.\*

<sup>10</sup> Geh bunuyh abă ta phung khân ay may lah: "Ta sambăt Pôl geh nau ngơi dăng dăng ngăn, yơn ma nôk păng nơm hăn ta dja păng mâu ôh bảnh ngơi dăng, jêh ri nau ngơi mâu đōng geh khlay." <sup>11</sup> Bunuyh i ngơi kơt nây ăn păng gít văt, mơm nau gáp nchih ta sambăt nôk gáp mâu ôh gủ ndrêl, gáp mra jan kơt nây đōng nôk gáp gủ ndrêl.

<sup>12</sup> Mpôl bunuyh ta phung khân ay may, nau i khân păng rnê êng săk khân păng nơm, nau i nây mâu ôh ueh. Khân păng kơp khlay ta săk khân păng nơm tă boh khân păng tâm rdâl ndrăng khân păng nơm ma săk khân păng nơm, mpôl i nây rluk măt dơm. Hên mâu ếch ôh tâm rdâl hên nơm đah khân păng. <sup>13</sup> Yơn ma hên, hên mâu ôh

---

\* **10:8** 10:8: 2Kô 13:10; Rôm 12:3      \* **10:9** 10:9-11: 1Kô 2:1-5

rnê êng sǎk hên nôm rlau ir ma ndơ ueh i hên lǎ jan, hên ngơi ma ndơ Kôranh Brah lǎ ǎn hên jan du ri dơm, jêh ri Pǎng ǎn hên hǎn nti tǎt ta ntũk khân ay may đōng. <sup>14</sup> Hên lǎ hǎn tǎt ta khân ay may jêh, ndấp ma leo nau mhe mhan ueh Brah Krist ta ntũk khân ay may lor hên đōng, lah ndri hên mâu ôh rnê êng sǎk hên nôm rlau ir ma nau i hên lǎ nti khân ay may.\* <sup>15</sup> Hên mâu ôh ntuپ ma ndơ bu êng lǎ jan. Jêh ri hên rnôm, nau nsing khân ay may lơ ma nấp ngǎn, ndrel ma nau hên jan kar ta khân ay may lơ ma hô jǎt.\* <sup>16</sup> Jêh ri hên dơi hǎn mboh nkoch nau mhe mhan ueh ta ntũk êng êng jǎt ngai boh bri khân ay may nây, ta ntũk ê hô geh bu êng hǎn mboh nkoch. Lah ndri bu mâu ôh dơi lah, hên ntuپ jan ta ntũk bu êng lǎ jan.\* <sup>17</sup> Lǎ geh nchih jêh ta Nau Kôranh Brah Ngơi: 'Bu moh i ngơi ndơ ueh ta sǎk pǎng nôm, ǎn pǎng ngơi ma ndơ ueh Kôranh Brah lǎ jan hỡ†. <sup>18</sup> Nau rnê êng sǎk nôm mâu ôh geh khlay, yơn ma nau Kôranh Brah rnê i geh nau khlay.\*

## 11

### *Pôl, ndrel kôranh ôh mon nklǎ*

<sup>1</sup> Gấp dǎn khân ay may yỗ ma gáp bǎ, yorlah gáp ngơi tâm ban ma bunuyh rluk mǎl bǎ, dǎn yỗ ma gáp bǎ!\* <sup>2</sup> Gáp grang khân ay may tâm ban ma Kôranh Brah grang khân ay may, yorlah

\* **10:14** 10:14: 1Kô 9:2 \* **10:15** 10:15: Yêr 9:22-23 \* **10:16** 10:16: Rôm 15:20 † **10:17** 10:17: Yêr 9:24 \* **10:18** 10:18: 1Kô 4:4 \* **11:1** 11:1: 2Kô 10:12

gâp lě tâm ban ma vãng jêh khân ay may ăn geh du huê sai Brah Krist hõ, gâp ếch leo khân ay may, tâm ban ma leo bu ur drôh ntang khat ma ăn Brah Krist.\* <sup>3</sup> Yơn ma gâp rvê, klach lah geh bu leo khân ay may lờh bớh nau i khân ay may tâng Brah Krist rấp jấp ma lể nuih n'hâm, tâm ban ma Satăng i kôranh mpôl brah djơh i bêh nây leo mbrôh rlăm Ēva dơi.\* <sup>4</sup> Yorlah nôk geh bunuyh a êng hăn nti nau Brah Yêsu êng bớh hên lể nti nơh, mâu lah khân păng nti brah huêng a êng bớh Brah Huêng Ueh i khân ay may lể sỏ dơn nơh, mâu lah khân păng nti nau mhe mhan ueh êng bớh hên lể ntũm nti khân ay may nơh, ndrì khân ay may sỏ dơn nau khân păng ntũm nti i nây, khân ay may mâu ôh rlăch.\* <sup>5</sup> Khân păng n'hi êng sắk khân păng nờm jan kôranh oh mon dũt kuống ngắn, yơn ma khân păng mâu ôh kuống rlau gâp.\* <sup>6</sup> Bol lah gâp mbớh ngơi mâu lắng blao kađôi, gâp hỏm geh nau gít blao đống, kớg gâp lể nhớ jêh nau i nây ma khân ay may dắng lể ntil ndr nơh.\*

<sup>7</sup> Nôk gâp mbớh nkoch nau mhe mhan ueh Kôranh Brah ăn ma khân ay may nơh, mâu ôh gâp sỏ khlay, nau i nây gâp lể njữ êng sắk gâp nờm, gay ma n'hao khân ay may. Lah ndrì ah gâp jan kớg nây tih bớh?\*

<sup>8</sup> Gâp lể sỏ jêh prắk bớh phung nsing ta ntũk êng êng, gâp tâm ban

---

\* **11:2** 11:2: Eph 5:24-27 \* **11:3** 11:3: NNt 3:1-6 \* **11:4** 11:4: 1Kô 15:1-2; Gal 1:6-9 \* **11:5** 11:5: 2Kô 10:12 \* **11:6** 11:6: Eph 3:4 \* **11:7** 11:7-9: 2Kô 12:13; Kar 20:33-35; Phi 4:15-17; 1Tê 2:9

ma ntũng bớh khân pãng gay ma sớm kớl jan kar ma khân ay may, mâu ôh sớ khlay bớh khân ay may. <sup>9</sup> Nớk gáp gũ ndrel khân ay may nớh, lah gáp geh nau mâu tống gáp mâu ôh dẫn ndớ du huê ta mpôl khân ay may, gáp lể geh oh nô ta nau nsing tã bớh bri Masêđôn kớl gáp ta nau mâu tống i này. Dãng lể ndớ mâu tống, gáp mâu ôh ăn khân ay may geh nau jêr yor ma kớl gáp, bol lah jât nấp tay, gáp mâu đống dẫn khân ay may kớl gáp. <sup>10</sup> Gáp ngời ngãn, yorlah Brah Krist i nau ngãn gũ ta gáp: Gáp mâu mra sớ ndớ bớh du huê ta bri Akhây i bri khân ay may, gay ma gáp hôm blao ngời kớl này nâng. <sup>11</sup> Lah ndri moh yor gáp mâu ứch sớ ndớ bớh khân ay may? Yor ma gáp mâu rống khân ay may bớh? Mâu ôh! Kôranh Brah lể gũt jêh gáp rống khân ay may. <sup>12</sup> Yớn ma ndớ i gáp jan này, gáp hôm jan jât nấp jât, gay ma khân pãng i nti êng bớh i hên lể ntũm nti, mâu geh nau ma lah nau jan kar khân pãng ueh tâm ban ma nau jan kar hên.\* <sup>13</sup> Khân pãng i này jêng kôranh oh mon nklă, jêng mpôl mbrôh, nklă sắk khân pãng nớm jan kôranh oh mon Brah Krist đờm. <sup>14</sup> Nớ i này khân ay may lời dãng ôh ndrốt hih rhốl, bol lah Satãng i kôranh mpôl brah đớh njêng sắk pãng nớm jan tống pãr Kôranh Brah i tống pãr nau ang đống. <sup>15</sup> Lah ndri mâu ôh geh nau ndrốt hih rhốl, lah mpôl i jan kar ma Satãng này, khân pãng nklă sắk khân pãng nớm jan bunuyh sớng i sớm kớl jan kar ma Kôranh Brah. Ta nar n'glẽ đũt tay Kôranh Brah mra tể

---

\* **11:12** 11:12-15; 2Kô 2:17; Kar 20:29-30; Phi 3:2; NTM 2:2

dôi h ma khân păng tâng ndơ i khân păng nơm lế  
geh jan nây.

*Nau Pôl ngơi ma sắk păng nơm*

<sup>16</sup> Gáp dẫn mboh tay du tở jât, lơi ôh ăn du huê  
bunuyh kợp gáp jêng bunuyh rluk mâl yor ma  
ndơ gáp nchih ma sắk gáp nơm, yơn ma lah khân  
ay may kợp gáp jêng bunuyh rluk mâl kađôi, ăn  
khân ay may hơm sỏ đơn ma ndơ gáp nchih n'hi  
êng sắk dja.\* <sup>17</sup> Nau i gáp nchih dja ma ndơ ueh  
ndơ khlay ta sắk gáp nơm, mâu ôh tâm di ma  
nau Kôranh Yêsu rnê, yơn ma gáp jan tâm ban  
ma bunuyh rluk mâl. <sup>18</sup> Yor ma geh ôk bunuyh  
i n'hi êng sắk ma ndơ khân păng jan i bunuyh  
mâu nsing kợp ueh kợp khlay. Ndri gáp n'hi êng  
sắk kốt nây đống, <sup>19</sup> yorlah khân ay may rắm  
maak sỏ đơn nau bunuyh rluk mâl kốt nây, kợp  
êng sắk khân ay may nơm jêng bunuyh gít blaô.  
<sup>20</sup> Khân ay may lế ăn bu jan kôranh tún jot khân  
ay may, ăn bu sa nsiăn ndơ khân ay may, ăn bu  
sỏ đấp ndơ khân ay may, ăn bu mưch khân ay  
may, ndrel ma ăn bu tap tâm bom khân ay may.\*  
<sup>21</sup> Gáp mâu ôh jan kốt khân păng i nây, klăp lah  
geh bunuyh abă lah gáp mâu ôh geh nau đơi ma  
jan kốt khân păng i nây. Mâu di ôh, jêh ri gáp  
mâu ôh đit prêng, yor ma mâu ôh jan kốt khân  
păng i nây. Moh ndơ i bu bắnh ngơi ndơ ueh ta  
sắk păng nơm, gáp bắnh ngơi đống, bol lah ngơi  
kốt nây jêng ngơi tâm ban ma bunuyh rluk mâl  
kốt nđă: <sup>22</sup> Ah mpôl i nây blaô ngơi nau ngơi

\* **11:16** 11:16: 2Kô 12:6 \* **11:20** 11:20: 1Kô 7:23

Hêbrơ bơh? Gập dja blaο ngοi nau ngοi Hêbrơ đōng! Ah mpôl i nây jêng phung Israel bơh? Gập dja jêng phung Israel đōng! Ah mpôl i nây i rnoi deh Abrahăm bơh? Gập dja i rnoi deh Abrahăm đōng!\*

*Nau jêr Pôl nôk nsong jan kar*

<sup>23</sup> Ah mpôl i nây jêng bunuyh sơm kơl jan kar ma Brah Krist bơh? Ta dja gập ngοi tâm ban ma bunuyh trơi ngãn, gập jêng bunuyh i sơm kơl jan kar ők rlau ma mpôl i nây jât. Gập jan kar rơah rgãn rlau ma mpôl i nây, geh ndrung kỗ ők rlau ma mpôl i nây đōng, bu rpăt bu mbang ők rlau, jêh ri geh ők tữ gập bơi ma khât đōng.\* <sup>24</sup> Prăm tữ phung Israel rpăt gập ma mōng rse 39 tong.\* <sup>25</sup> Bu mbang gập ma mōng pe tữ, ntũp gập ma lữ du tữ, geh ngōm duk kuōng pe tữ, geh du tữ dak văch dak vữ de rdu du năng du nar.\* <sup>26</sup> Gập nsong trong năng, gập bơi ma khât nôk rgãn dak rlai êng êng, gập bơi ma khât nôk máp đah mpôl ntũng, gập bơi ma khât yor ma phung Israel i phung gập nơm, gập bơi ma khât yor ma phung i mâu di phung Israel, gập bơi ma khât ta bon kuōng, gập bơi ma khât ta bri rdah, gập bơi ma khât rỗ dak văch dak vữ, gập geh nau jêr tă bơh mpôl oh nô ta nau nsing i nklă. <sup>27</sup> Gập jan kar ma nau rơah rgãn, ma nau jêr jốt, ma nau rgeh ők măng, ma nau ji ngot ma nau ji hir, ők tữ gập mâu ôh geh ndr sōng sa, ők tữ gập geh ji kăt ji

\* **11:22** 11:22: Rôm 11:1      \* **11:23** 11:23-33: 2Kô 4:9-12; 6:4-10; 1Kô 4:11-13; 15:30-32      \* **11:24** 11:24: NVa 25:1-3      \* **11:25** 11:25: Kar 16:22; 14:19

go, gũ kôh lahôk.\* 28 Rlau bôh nây jât, ăp nar gáp geh nau rvê đống ma dâng lể phung nsing ăp ntũk.\* 29 Lah geh du huê bunuyh lể suan, gáp kô geh nau rvê ma păng đống, lah geh bu leo du huê oh nô ta nau nsing jan tih, gáp ji nuih hô ngãn!.\* 30 Lah ma gáp ngời nau ueh ta săk gáp nôm, gáp urch ngời ma nau êng êng i nhơ gáp i bunuyh ta nâm bu đơm.\* 31 Kôranh Brah i bở Kôranh Yêsu, Păng gít jêh gáp mâu ôh ngời mbrôh, dẫn rnê ma Păng bảbơ n'ho ro. 32 Nôk gáp gũ ta bon Đamas nớh, kôranh bon i gũ ta nâm kađăch Arêtah, đã kon taken gũ kôp ta bôk mpông bon, gay ma nhũp gáp,\* 33 yơn ma gáp lăp gũ ta du mlôm bĩ, jêh ri bu yur gáp rỏ mpông bloh mpêr bon, ndri gáp klaih bôh ti păng nây.

## 12

### *Pôl nkoch nau tâm say*

1 Bol lah nau n'hi êng săk gáp nôm mâu geh nau khlay kađôi, hôm iăt ma gáp ngời ma ndơ i Kôranh Brah lể nhơ jêh ma gáp\* ta nau tâm say, ndrel ma ndơ i Păng pơk ăn gít.\* 2 Gáp năl du huê bu klô† i nsing ma Brah Krist, nôk 14 năm a lor nớh, Kôranh Brah pư păng ta kalơ

\* 11:27 11:27: 2Kô 6:5; 1Tê 2:9 \* 11:28 11:28: Kar 20:31

\* 11:29 11:29: 1Kô 9:22; 12:25-26; Gal 6:2 \* 11:30 11:30: 2Kô

12:5 \* 11:32 11:32-33: Kar 9:23-25 \* 12:1 12:1: Ta nau ngời

Grek mâu geh nchih 'Ma gáp'. \* 12:1 12:1: Kar 26:16 † 12:2

12:2: 'Du huê bu klô', tă bôh trong pơh, bân gít lah Pôl ngời hơ ma săk păng nôm.

trôk i ntũk Kôranh Brah nôm tât ta ntũk pe dấp‡  
 - yơn ma gáp mâu gĩt lah sắk jăn hao ngăn, mâu  
 lah man ma tâm say dơm, Kôranh Brah dơm i  
 nắk gĩt. <sup>3</sup> Gáp gĩt Kôranh Brah pư bu klô i nây  
 a bon ueh - yơn ma gáp mâu gĩt ôh lah sắk jăn  
 pắng hao ngăn, mâu lah man ma tâm say dơm,  
 Kôranh Brah dơm i nắk gĩt. <sup>4</sup> Pắng tăng nau i dũt  
 nau ngăn, yơn ma Kôranh Brah buay mâu ôh ăn  
 bunuyh i blao khăt mboh nkoch nau i nây ma  
 bu. <sup>5</sup> Gáp ngơi rnê êng sắk ma bu klô i nây, yơn  
 ma gáp mâu ôh rnê êng sắk gáp nôm, gáp man  
 ma rnê moh ndr i rdja ta sắk gáp nôm dơm.\*  
<sup>6</sup> Lah gáp ũch rnê êng sắk, gáp kô mâu đổng jêng  
 bunuyh rluk mắl, yorlah nau i gáp ngơi nây jêng  
 nau ngăn. Yơn ma gáp mâu hôm ôh ngơi ma nau  
 i gáp lể tâm say nây nơh, klach lah bu kợp gáp  
 dja kuống rlau boh ndr i khân pắng lể say ta nau  
 gũ ngao gáp, lể tăng ta nau gáp nti nây.

<sup>7</sup> Kôranh Brah ăn du ntil ndr ta sắk jăn gáp  
 i tâm ban ma lok, tâm ban ma geh tông pắ  
 Satăng§ i kôranh mpôl brah djơh ma kợp nkrit  
 ta sắk jăn gáp, Kôranh Brah jan kợp nây gay ma  
 gáp mâu ôh kợp êng sắk gáp nôm kuống ir tả  
 boh ndr dũt nau ngăn i Kôranh Brah lể ăn gáp  
 say nơh. <sup>8</sup> Lể pe tở gáp dẫn Kôranh Brah hô ngăn,  
 tắk lơi lok i nây boh sắk jăn gáp, <sup>9</sup> yơn ma Pắng  
 lah ma gáp: “Gáp kớl may tả boh nau ueh Gáp  
 nôm lể gáp jêh ma may, yorlah nau dơi Gáp nôm,

---

‡ **12:2** 12:2: ‘Ntũk pe dấp’ nây, bu mân lah Pôl ũch ngơi ma trôk  
 dũt prêh i ntũk Kôranh Brah. \* **12:5** 12:5: 2Kô 11:30 § **12:7**  
 12:7: ‘Tông pắ Satăng’, mâu lah ‘Geh nôm ntang Satăng’.

lơ ma hô bu say n'hêl lah Gâp ăn ma bunuyh i rdja." Lah ndri gâp ũch rnê moh ndơ i rdja ta sãk gâp nơm ndâp ma nuih n'hâm rãm maak, gay ma nau dơi Brah Krist nơm gũ ta gâp.\* <sup>10</sup> Kơt ndri gâp ueh maak nôk gâp rdja, nôk bu rak suai gâp, nôk gâp geh nau jêr, nôk bu jan jêr gâp, nôk gâp geh nau nklôn rvê, yor ma gâp jan kar ma Brah Krist. Gâp ueh maak nôk gâp rdja, yorlah nôk nây Brah Krist gũ ta gâp ma nau dơi Pãng nơm.

*Pôl rvê ma phung nsing ta ãon Kôrintô*

<sup>11</sup> Gâp rnê êng sãk kơt nây tâm ban ma bunuyh i rluk mâl, yor ma khân ay may nchâp gâp jan. Di lah khân ay may koh gâp rnê gâp. Bol lah gâp i bunuyh mâu khlay kađôi, kô gâp mâu đống jê ta nâm mpôl i bunuyh abã kơp lah kôranh oh mon i dũt kuông i nây.\* <sup>12</sup> Nôk gâp gũ ndrel khân ay may nơh, gâp jan nau mbên êng êng i ăn gĩt n'hêl lah gâp i dja jêng kôranh oh mon ngãn, geh nau mbên, geh nau jan dũt nau ngãn, geh nhhơ nau dơi Kôranh Brah, ndrel ma geh nau ăt nuih dũt hô.\* <sup>13</sup> Moh bã gâp jan tih ta khân ay may? Gâp kơl khân ay may tâm ban ma gâp kơl ma phung nsing ta ntũk êng êng, yơn ma gâp mâu ôh ăn khân ay may geh nau jêr ma kơl gâp, lah gâp jan tih mâu ăn khân ay may kơl gâp, dãn khân ay may yỗ ma gâp bã!\*

<sup>14</sup> Abãơ dja gâp ndrăp hãn a khân ay may lẽ pe tở ma dja, jêh ri gâp kô mâu đống ăn khân

\* **12:9** 12:9: 2Kô 4:7; Phi 4:13; Êsa 40:29-31 \* **12:11** 12:11:

2Kô 11:5 \* **12:12** 12:12: 1Kô 4:15; 9:2 \* **12:13** 12:13-14: 2Kô 11:7-9; Kar 20:33-35

ay may geh nau jêr ma kol gâp, yorlah gâp mâu ôh ndơ ếch geh đrăp ndơ khân ay may, gâp ếch khân ay may jan tâng nau Brah Krist ếch ma lể nuh n'hâm, ndâp ma iăt gâp đống. Mâu di ôh oh kon sơm rgum prăp đrăp ndơ ma ăn mẽ bở, mẽ bở i di sơm rgum prăp đrăp ndơ ma ăn oh kon!\*

<sup>15</sup> Gâp tâm ban ma mẽ bở khân ay may, gâp ếch ngăn sỗ đống đrăp ndơ i gâp nơm geh, ndâp ma săk gâp nơm sơm jan kar ăn ma khân ay may, gâp jan ma nuh n'hâm răm maak. Lah lể dah nây jêh nau kuống gâp rống ma khân ay may, lah ndri mơm dâng khân ay may rống ma gâp lơ ma đễ đơm?\*

<sup>16</sup> Klăp lah geh bunuyh aă ta phung khân ay may lah gâp: “Păng mâu ôh sỗ đrăp ndơ bân kađôi, tih ma păng hôm mbrôh rlăm đrăp ndơ bân.”

<sup>17</sup> Ôm gâp sa nsiăn đrăp ndơ khân ay may tă bôh bunuyh i gâp đă hăn a khân ay may nơh bôh?\*

<sup>18</sup> Gâp đăn Titus hô ngăn hăn a khân ay may nơh, jêh ri gâp đă du huê bu klô jăt hăn ndrel păng đống, lah ndri ôm Titus i nây sa nsiăn đrăp ndơ khân ay may bôh? Ôm mâu di lah hên bar hê dja jêng du ntôr nau đơm, ndrel ma hăn tâng têt du ntôr nau bôh?

<sup>19</sup> Klăp lah khân ay may mân lah hên nchih dâng lể nau ta sambăt dja gay ma pơng ôh khân ay may đơm. Mâu ôh, hên nchih jêng bunuyh sơm kol jan kar ma Brah Krist, nchih ta năp măt Kôranh Brah. Ô oh nô i hên rống, dâng lể ndơ hên jan, hên jan gay ma rdok njêng khân ay

\* **12:14** 12:14: 2Kô 8:5      \* **12:15** 12:15: 1Tê 2:8      \* **12:17**  
12:17-18: 2Kô 2:13; 7:2; 8:6, 18-19

may.\* 20 Gáp klach nôk gáp hăn a khân ay may, gáp say khân ay may êng bơh nau i gáp ếch say, jêh ri khân ay may say gáp êng bơh nau i khân ay may ếch say đống. Gáp rvê klach lah ta khân ay may geh nau tâm rdâng, tâm mâu nach, tâm ji nuih, tâm nkah mpôl, tâm ngơi kek, tâm ngơi nchơt, tâm mưch, geh nau uh ah. 21 Gáp klach, nôk gáp hăn jông kơi dja, gáp mra geh nau đit prêng ta nấp mắt Kôranh Brah i brah gáp yơk mbah nây yor ma khân ay may. Jêh ri gáp klach gáp mra nhũm rngot, yor ma geh ốk bunuyh ta khân ay may i jan tih a lor nơh, ê hỏ ôh bah jan tih, mâu ôh rgâl lơi nuih n'hâm djơh bơh nau jan ắp ntil ndơ djơh, nau khơh kler, ndrel ma nau tâm đống i khân păng vay jan nây nơh.\*

## 13

### *Nau n̄inh n'glẽ dũt*

<sup>1</sup> Lẽ pe tở ma dja jêh gáp hăn a khân ay may. Ăn khân ay may kah gĩt ma nau i lẽ geh nchih ta Nau Kôranh Brah Ngơi: 'Iăt ma geh bunuyh bar hê, mâu lah pe nuyh jêng bunuyh tơm say, mớ dâng iăt nau bu ntôn'†, lah ndri gáp mra jan kơt nây đống ma dâng lẽ nau ntôn.\* <sup>2</sup> Nôk gáp gũ ndrel khân ay may tởl bar nơh, gáp lẽ mbơh ma mpôl bunuyh i jan tih: Gáp mâu mra chrê jât ôh. Aăơ dja nôk gáp hôm e gũ ngai, gáp ếch mbơh ăn ma mpôl i nây, ndrel ma dâng lẽ bunuyh aăê êng jât ăn gĩt lor: Tăt gáp hăn a khân ay may, gáp

\* 12:19 12:19: 2Kô 3:1 \* 12:21 12:21: 2Kô 2:1-2 † 13:1 13:1:

NVa 19:15 \* 13:1 13:1: 1Ti 5:19

mâu ôh hôm chrê ma du huê bunuyh i jan tih.\*  
<sup>3</sup> Khân ay may ếch gít n'hêl nau gáp ngoi tả bớh  
 Brah Krist ngãn, ndrì tât gáp hãn a khân ay may,  
 gáp mra nduih bunuyh i jan tih tâm di ma nau  
 Brah Krist đã, Păng geh nau dơi ma tể dôih, jêh  
 ri Păng mra tể dôih ngãn ro ma nau dơi. <sup>4</sup> Bol  
 lah bu nkhât Păng ta si tâm rkăng tâm ban ma  
 Păng mâu geh nau dơi kađôi, yơn ma Păng hôm  
 rêh yor ma nau dơi Kôranh Brah đổng. Hên tâm  
 ban kớh nây đổng, ndrì i hên jan ta khân ay may,  
 bol lah hên jêng bunuyh mâu ôh geh nau dơi,  
 yơn ma hên hôm rêh ndrêl Păng đổng, ndâp ma  
 geh nau dơi Kôranh Brah.\*

<sup>5</sup> Ân khân ay may rlong mêh uảnh êng sắk khân  
 ay may nờm, ah khân ay may hôm geh nau nsing  
 ma Brah Yêsu Krist mâu lah mâu? Ân khân ay  
 may mêh uảnh êng sắk khân ay may nờm hỏm,  
 ớm khân ay may mâu gít ắh Brah Yêsu Krist gủ  
 ta khân ay may? Lah mâu ôh gít, yor ma khân  
 ay may mâu nsing ngãn, jêh ri Brah Yêsu Krist  
 mâu đổng rom khân ay may.\* <sup>6</sup> Yơn ma hên dja  
 geh nau nờm, khân ay may gít lah Brah Yêsu  
 Krist gủ ndrêl hên ngãn ro. <sup>7</sup> Hên mớh sớm đản  
 ma Kôranh Brah, gay ma khân ay may lơi ôh jan  
 ndrì tih. Hên nờm lah nôk hên tât a khân ay  
 may nây hên mâu ôh geh nau ma nhớ nau dơi  
 ta nau tể dôih. Ân khân ay may jan ndrì ueh hỏ ê  
 lor hên tât. Mâu chrao ôh lah bunuyh ắbả hôm  
 mâu yớk hên, yor ma mâu ôh say hên geh nau

\* 13:2 13:2: 2Kô 10:2 \* 13:4 13:4: 1Kô 1:25; Hêb 2:9 \* 13:5  
 13:5: Rôm 8:9

dơi. <sup>8</sup> Hên mâu ôh dơi tâm rdâng đah nau ngăn, hên man ma dơi jan ndr i tâm di đah nau ngăn dơ. <sup>9</sup> Hên geh nau ueh maak, nôk hên tâm ban ma mâu geh nau dơi, jêh ri khân ay may geh nau dơi. Hên mboh sơm dẫn Kôranh Brah ăn khân ay may jêng tâm di kot nau Păng nơm ếch ngăn ngên.\* <sup>10</sup> Kot ndrì dâng gáp nchih sambüt dja ăn khân ay may nôk gáp hôm gũ ngai, gay ma nôk gáp tât a khân ay may, gáp mâu hôm khăch ôh mboh ngời dăng đah khân ay may ma nau dơi i Kôranh Yêsu de lể ăn ma gáp này. Păng ăn nau dơi i này ma gáp, mâu ôh di gay ma lơh hêng lơi khân ay may, jêng gay ma rdôk njêng khân ay may.\*

<sup>11</sup> Ô oh nô ta nau nsing, n'glẽ dứt dja gáp ếch ntĩnh khân ay may, ăn khân ay may geh nau rằm maak dô, ăn khân ay may gũ tâm di đah Kôranh Brah nơm ếch ta dâng lể ntil ndr ngăn, ăn khân ay may tâm n'hao nuih ndrăng nơm, ăn khân ay may geh nuih n'hâm du ntôr nau hõ, ăn khân ay may gũ ta nau đấp mpăn đah bu, jêh ri Kôranh Brah i tơm nau rông, ndrêl ma i tơm nau đấp mpăn Păng mra gũ ndrêl khân ay may ro.\* <sup>12</sup> Tâm ôp nau ueh lăng ndrăng khân ay may nơm ma nau ueh rah rớch\*.† Dâng lể phung ðon lan Kôranh Brah ta dja ôp nau ueh lăng khân

---

\* **13:9** 13:9: 2Kô 7:1; Kôl 1:9-10 \* **13:10** 13:10: 2Kô 10:8; Rôm 12:3; 1Kô 4:21 \* **13:11** 13:11: Phi 3:1; 4:4; Rôm 15:5 \* **13:12** 13:12: Ta nau ngời Grek lah: 'Ma nau chũm kloh ueh'. Bân abao ri mâu hôm gĩt n'hêl moh geh nau khlay ma nau chũm i này. † **13:12** 13:12: Nau rblang ơm abã ta ntũk dja trong 13 ndrì dâng geh 14 trong ta nķô dja.

ay may đống. <sup>13</sup> Dăn geh nau ueh Kôranh Yêsu Krist, nau rống Kôranh Brah nôm, ndrel ma Brah Huêng Ueh i kloh ueh nôm gũ ndrel dâng lể khân ay may.

**Nau Kôranh Brah Ngòi Nau Tâm Rnglăp  
Mhe  
Mnong, Central: Nau Kôranh Brah Ngòi Nau Tâm  
Rnglăp Mhe New Testament**

copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

e066eeff-60da-5ff7-9822-f65015bcd247